

INUIT ATAQATIGIIT

INATSISARTUNI



Nuuk 26. november 2020

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Ukiakkut ataatsimiinnitsinni 2018-mi inatsisartunit akuersissutigineqarpoq immikkoortoq 166, imatut qulequtalik; *2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut.*

1. **Siorna 2019-mi qulaani pineqartoq pillugu Namminersorlutik Oqartussaniit malunnartitsisoqanngilaq. Sumik peqquteqarpa tamanna?**
2. **21. decemberip pisortatigoortumik nalliussineqartalernissaa pillugu Naalakkersuisut qanoq pilersaaruteqarpat?**
 - a. **21.juni pisortatigoortumik inuiattut ullorsiorfigisartakkatsit 21.december ingerlanneqartalerniarpa? Naamiuppat sumik tamanna peqquteqarpa?**
 - b. **Kiap/kikkut isumagisussaavaat pineqartup pisortatigoortumik nalliussineqartalernissaata piviusunngortinneqarnissaa pillugu? Namminersorlutik Oqartussat? Kommunit? Sulisartut Kattuffiata? Imaluunniit inuinnaat namminneq?**
3. **21. juni pisortatigoortumik ullorsiorfigisaleratsigu qanoq aaqqitaava?**
 - a. **Qanorlu ililluni ulloq taanna sulinngiffiusussanngorlugu aaqqinneqarsimava? 21.decemberimit allaanerua?**
 - b. **Aap-iuppat suna taava allaanerusutigivaa?**
4. **21. juni pisortatigoortumik ullorsiorfarfippat sulinngiffeqarfiusarpoq. 21. December aamma pisortatigoortumik ullorsiorfarfigilernikuugatsigu, taava qaqugu ulloq taanna sulinngiffittut atorineqartalernissaa naalakkersuisut naatsersuutigaat.**
5. **Tassunga tunngasumik allamik Naalakkersuisut ilisimatitsissutissaqarpat?**

(Inatsisartuni ilaasortaq Peter Olsen, Inuit Ataqtigiiit)

Tunngavilersuut

Naluneqanngitsutut ukiakkut 2018-mi ataatsimiinnitsinni immikkoortoq 166 inatsisartunit akuersissutigineqarpoq imatut qulequtalik; *2020 nallertinnagu ullukinnerup ulloq 21. decembarip pisortatigoortumik nalliussineqartalernissaanik atulersitsinissaq pillugu Inatsisartuni aalajangiiffigisassatut siunnersuut.*

Naluneqanngitsutullu siorna 2019-mi 21.december immikkut ittumik – pisortatigoortumik malunnartinneqanngitsoorpoq. Tamanna pillugu paaserusuppara sumik peqquteqarnerisq pisortatigoortumik ingerlanneqarsimannginnera pillugu. Aamma paaserusuppara Naalakkersuisut

tamanna pillugu qanoq pilersaaruteqarnersut. Aamma paaserusuppara ullukinnerup pisortatigoortumik nalliussineqartalersimanera Naalakkersuisut qanoq paasisimaneeraat, qanorlu iliuuseqarfiginiarneeraat.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.